

## Cofnodion Cyfarfod yr 2ail Hydref 2018

**Yn bresennol :-** Y Cadeirydd **Idris Thomas** a'r Cynghorwyr, Phyllis Ellis, Elfed Wyn Williams, Martin Davies, Jane Pierce, R Hefin Williams, Rhian Evans-Hill a Emma Chappell.  
Croesawyd y Cynghorydd Elwyn Jones

**Gweddi:** Offrymwyd gair o weddi gan Idris Thomas.

Cydymdeimlwyd a'r cyngorydd Rhian Evans-Hill a'r teulu yn ei profediageth o golli ei mham.

### **1.Ymddiheuriadau.**

Aled Green, Gwawr Wyn Roberts, Lowri Hughes, Gareth Wyn Griffiths a Richard Llwyd Jones

### **2.Datgan buddiant**

Phyllis Ellis,Elfed Wyn Williams,R Hefin Williams, Emma Chappell,Rhian Evans -Hill.

Y cyfan yn datgan bod a chysylltiad ac ambell gais yn rhif 9 o'r agenda, Rhoddion Ariannol i fudiadau. Penderfynwyd yn unfrydol na fuasai posib i unigolyn drafod y ceisiadau hynny y byddent gyda chysylltiadau a hwy, a bod rhain wedi eu nodi ar ffurflen Buddianau.

### **3. Cofnodion Cyfarfod 4ydd Medi**

Derbyniwyd y cofnodion fel rhai cywir

#### **R. Hefin Williams (1)**

#### **Phyllis Ellis (2)**

### **4. Materion o'r cofnodion**

**Clybiau Ieuentid** – Derbyniwyd ebyst gan Sion Bryn Roberts yn cadarnhau fod yna arian yn gronfa y clybiau ieuentid fel a ganlyn:

Rhiwlas - £206.87

Bethel - £202.43

Penisarwaun £193.04

Penderfynwyd i'r clerc gysylltu a Sion i drefnu i drosglwyddo yr arian i'r Cyngor Cymuned gael ei roi at waith ieuentid yr ardal.

Nodwyd efallai y buasai well i'r Cyngor feddwl am drosglwyddo yr arian i'r neuaddau pentref lle roedd y clybiau yn cyfarfod, ac lle roedd difrod a chostau wedi codi i'r adeiladau yn dilyn fandaliaeth. Bydd trafod pellach unwaith bydd yr arian wedi ei drosglwyddo.

**Clwb Ieuentid Deiniolen** – Dywedodd Elfed Williams fod gan y clwb yn Neiniolen arian wrth gefn, ond ei fod angen i'r Cyngor Cymuned agor cyfrif dan eu adain yn enw Y clwb Ieuentid. Dywedodd y clerc, er fod posib agor cyfrif arwan, buasai rhaid holi ymhellach os oedd hyn yn gyfreithlon, ac be fuasai sefyllfa y cyngor gyda Awdit blynyddol drwy wneud hyn. Cytunwyd i holi ymhellach yn ein noson hyfforddiant hwyrach yn y mis.

**Bin Baw Cwn Brynrefail** – Dywedodd Martin Davies fod y bin wedi cael ei symyd o'r diwedd, a diolch i Cyngor Gwynedd am hynny.

**4244** – Cafwyd grynoded o materion a drafodwyd yn dilyn cyfarfod ar y safle yn Brynrefail gan Martin Davies. Nid oes posib cael cyflymdra ar y ffordd lawr i 40 mya gan nad oes ty ar ochor y ffordd ei hun. Mae Cyngor Gwynedd wedi cadarnhau eu bod yn mynd i symyd y boleri sydd ger Snowdon View, a'u ail osod, ynghyd a rhoi sribyn coch ar draws y

groesfan. Roedd cynllun i roi cysgodfan bws ar ochor y lon, ond gan y buasai angen lle tynnu mewn ynghyd a wal, bydd hyn yn amhosib oherwydd cost o 40K. Awgrymwyd cael lamp ychwanegol, neu symyd yr un sydd yno, ond gan mai yn ystod y dydd mae'r damweiniau yn digwydd, penderfynwyd na fuasai hynny yn cael dim effaith.

**Arwydd Allt Ddu** – Yn dilyn cysylltu ymhellach gyda Cyngor Gwynedd, fod y Cyngor Cymuned yn fodlon cyllido arwydd yn yr ardal, derbyniwyd ymateb bydd hyn yn bosib, cyn belled nad yw yn ymddangos fel arwydd swyddogol o adran Briffyrdd. Awgrymwyd hefyd efallai y buasai yn well i ni ystyried gosod "Bwrdd Arwydd Dehongliad" yn yr ardal yn hytrach na enw yn unig, ac efallai y buasai hwn yn gweddu yn well gyda'r amgylchedd naturiol, ac wrth gwrs yn rhoi hanes yr ardal i ymwelwyr. Penderfynwyd cysylltu gyda Gareth Roberts am gyfarwyddid/ddyluniad ar arwydd a fyddai yn dderbyniol gan Cyngor Gwynedd.

**Mainc Brynrefail** – Derbyniwyd llythyr yn nodi bod yn amhosib symyd y Cerrig, a gyrrwyd map gyda 2 fan i allu symyd y fainc. Awgrymwyd i Martin fynd o amgylch y preswylwyr i ofyn lle buasant yn dymuno gweld y fainc.

## **5. Gohebiaeth a materion eraill**

**Gwaith Clytio Ffordd Pentre Helen** – Mae'r gwaith o lenwi tyllau ar y lon yn y stad bellach wedi ei chwblhau. Mae gwaith dal yn mynd ymlaen yn Stad Rhydfadog.

**CCG** – Cynhaliwyd digwyddiad ymgynghori yn Nhy Elidir gan y cwmni sydd yn bwriadu edrych ar y posibilrwydd o adeiladu 9 ty ar dir ger Maes Gwylfa.

## **6. Cynllunio**

**Ceisiadau a dderbyniwyd yn ystod y mis:**

**1 Cefn Gryddyn, Llanddeiniolen** – Codi modurdy domestig Newydd yn nhy blaen yr eiddo  
**Dim Gwrthwynebiad**

**Bryn Difyr, Bethel** – Codi Ty Fforddiadwy a darparu llecynnau parcio **Dim Gwrthwynebiad**  
**Capel Libanus, Clwt y Bont** – Newid defnydd capel segur i lety gwely a brechwast. Y cyngor yn cydweithio i ddod dros y broblem parcio ar y cais.

**Rynys, Llanddeiniolen** – Estyniadau, newidiadau a chodi modurdy/swyddfa Newydd **Dim Gwrthwynebiad**

## **7. Diweddaraid GDPR**

Bu i'r grwp gyfarfod, i drafod yn bellach. Rydym wedi cofrestru gyda'r ICO bellach. Emma a Eleri yn mynd i wneud y newidiadau man ac addasu'r datganiad a'r polisi, cyn y cyfarfod nesaf. Yna bydd y clerc yn mynd drwy y ffeilio ac yn gyrru y dogfennau pellach na 6 mlynedd i'r archifdy, a dinistrio popeth diangen, trwy ddilyn cyfarwyddid yr SLCC.

## **8. Adroddiad Ffurflen Blynyddol**

Rhoddodd y clerc adroddiad manwl, yn dilyn gyrru copi l bawb o adroddiad yr Awdit. Mae'r Cyngor yn falch o gyhoeddi ein bod wedi bodloni yr Archwylwyr allannol, ac ein bod yn cydymffurfio ag arferion priodol, ac nad oedd unrhywfater wedi dod i'w sylw oedd yn peri pryder.

Derbyniwyd argymhellion nad ydynt yn effeithio ar y barn archwilio, ac y byddwn yn ymdrin a hwy o hyn ymlaen.

Dywedodd y Clerc ei bod wedi rhoi arwydd ar y we ac mewn lleoliadau penodol arferol yn dilyn diwedd yr Archwiliad.

## **Cyfrifon 18/19**

Cyflwynodd y clerc adroddiad i'r cyngorwyr o sefyllfa ariannol y cyngor ynghyd a gwaraint a derbyniadau am y flwyddyn hyd yn hyn.

Dangoswyd fod y gyllideb yn rhedeg yn unol a'r gwariant, ac nid oedd angen gwneud unrhyw newidiadau ar hyn o bryd.

Nododd y clerc, yn dilyn rhoi rhoddion o £300 tuag at gludo plant i gystadleuthau yn Eisteddfod Genedlaethol mai £4700 sydd bellach ar ôl i rannu pan yn trafod ceisiadau ariannol heno. Nid oes unrhyw sylwebaeth na chwestiwn arall ynglyn a'r cyfrifon.

### **9. Ceisiadau Ariannol 2018**

Derbyniwyd 20 cais i law. Mae'r Cyngor wedi mabwysiadu y ciosg ffôn yn Rhiwlas bellach, ac mae Rhiwlas gyda cronfa ar hyn o bryd gan obeithio hel tuag at gael diffryblydd a'l osod yn y ciosg. Fodd bynnag, amae angen drws ar y ciosg. Derbyniwyd cais am ddrws, sydd ar gost o £288 a bydd costau gosod yn ychwanegol. Penderfynwyd gan mai Y Cyngor Cymuned sydd berchen y ciosg y buasai y gost yma yn dod allan o gyllideb Cynnal a Chadw y Cyngor, yn hytrach nac yn rhodd ariannol. Cytunwyd yn unfrydol i fynd ymlaen a hyn, a'r clerc i wneud trefniadau gyda Hefin Williams, sydd wedi bod yn gysylltiedig a'r ymholiadau ynglyn a chael drws ar y ciosg.

Penderfynwyd rhannu cyfranu fel a ganlyn i'r 19 cais arall:

	£
Eisteddfod Gadeiriol Deiniolen.....	300.00
Eisteddfod Bentref Penisarwaun.....	300.00
Eisteddfod Bentraf Bethel.....	300.00
Pwyllgor Neuadd Penisarwaun.....	300.00
Neuadd Bentref Rhiwlas.....	300.00
Ysgol Feithrin Deiniolen.....	150.00
Clwb Snwcer Deiniolen.....	200.00
Clwb Bowlio Dan do Bethel.....	200.00
Clwb Tennis Bwrdd Rhiwlas.....	200.00
Clwb Rhiwen Rhiwlas.....	200.00
Clwb Pensiynwyr Penisarwaun.....	200.00
Seindorf Arian Deiniolen.....	300.00
LLais Ogwan.....	100.00
Eco'r Wyddfa.....	300.00
Clwb Bro Bethel.....	200.00
Cylch Ti a Fi Penisarwaun.....	150.00
Clwb Pel Droed Ieuenctid Deiniolen.....	200.00
Diffib Rhiwlas.....	250.00
Diffib Deiniolen a Dinorwig.....	250.00

Daw hyn a cyfanswm i fyny i £4400. Penderfynwyd dal £300 yn ôl, gan weithiau bydd ceisiadau anghyffredin yn dod i law. Os na ddaw, byddwn yn ychwanegu y swm yma tuag at ein cyllideb ceisiadau ariannol y flwyddyn nesaf.

### **11. O gwmpas y Bwrdd**

**Brynrefail** – Hoffai'r pwyllgor ddiolch i Martin Davies am y gwaith da mae wedi ei wneud

dros y flwyddyn diwethaf yn Brynrefail. Wedi cyfnod o neb yn cynrychioli y pentref, mae Martin wedi ymgymeryd a'r gwaith ac yn weithgar tu hwnt gan geisio gwneud pethau i wella gwasaneuthau ac awyrgylch o fewn y pentref, ynghyd a ceisio sicrhau diogelwch i blant a phobl wrth groesi o un ochor i'r llall. Mae'r Cyngor yn ddiolchgar iddo ac yn gefnogol iawn o bopeth mae yn ceisio ei wneud.

**Penisarwaun** – Mae Wâl giat Mochyn, dros ffordd i Pen Pwll Coch ar lôn Perthi wedi disgyn. Cysylltu a Cyngor Gwynedd i gael ei ail gosod.

Rhiwlas – Llwybr Carreg y Garth tuag at y lon yn Parc, lle mae'r llwybr troed yn brysur. Yn ddiweddar mae nifer o wartheg wedi bod yn rhydd yn y cae, Nid yn unig fod hyn yn beryglus i gerddwyr, ond hefyd wedi difetha'r llwybr troed ac wedi gwneud yn beryglus i gerddwyr. Mae sawl cŵyn wedi dod i law fod y gwartheg wedi cerdded yn fgythiol at gerddwyr, wrth iddynt gerdded heibio. Y clerch i gysylltu a Cyngor Gwynedd ynglyn a hyn yn syth.